

U FOKUSU

BiH je opet na putu EU integracija, naglasio ambasador Wigemark prilikom predstavljanja Izvještaja Evropske komisije vlastima BiH



Šef Delegacije Evropske unije i specijalni predstavnik EU u Bosni i Hercegovini ambasador Lars-Gunnar Wigemark je 10. novembra zvanično predao Izvještaj Evropske komisije za Bosnu i Hercegovinu predsjedavajućem Vijeća ministara BiH dr. Denisu Zvizdiću. [Više...](#)



EU nastavlja podršku razvojnim projektima u Srebrenici, poručio ambasador Wigemark tokom Investiciono – razvojne konferencije

Ambasador Wigemark je ocijenio da je sveobuhvatni set reformi započetih u BiH važan da bi se poboljšali socijalno-ekonomski izgledi Srebrenice, te da će regija privući investitore sa dobrim ekonomskim i investicionim prilikama. Wigemark je rekao da EU zagovara regionalnu saradnju, integraciju i jednak tretman i prosperitet za sve, te da se raduje danu kada će ova regija postati dijelom Evropske unije.



Potrebno dodatno unaprijediti pravni i finansijski okvir za civilno društvo u BiH, naglašeno u Izvještaju za 2015.

Nije bilo napretka na unaprijeđenju mehanizama za dijalog i saradnju između vlasti i organizacija civilnog društva, i pravni i finansijski okvir je potrebno dodatno unaprijediti. Ovo je jedan od ključnih nalaza Izvještaja za 2015. godinu koji je bio u fokusu diskusije 20. novembra između predstavnika EU i nevladinog i civilnog sektora u Bosni i Hercegovini.

EU PROJEKTI



EU podržava pristup pravdi za svjedoke i žrtve u Bosni i Hercegovini

Dvodnevna konferencija „Podrška svjedocima/žrtvama u BiH“ u sklopu projekta „Osiguranje pristupa pravdi za svjedoke/žrtve, kroz jačanje postojećih i uspostavljanje novih mreža podrške svjedocima u BiH“ koji finansira Evropska unija otvorena je 12. novembra 2015. godine u Sarajevu.



EU finansirala gradnju 62 stambene jedinice za socijalno ugrožene porodice

Rezultati projekta „Sistem socijalnog stanovanja – razvoj integrisanog modela u teoriji i praksi“, kao i najvažnije preporuke za integrisani održivi model socijalnog stanovanja u BiH, predstavljeni su na završnoj konferenciji održanoj 11. novembra 2015. godine u Sarajevu.



EUSR podržava Program za mlade "Četiri grada"

Ured specijalnog predstavnika Evropske unije u BiH podržao je inicijativu mladih pod nazivom Program za mlade „Četiri grada“, koji je okupio 20 mladih ljudi iz Višegrada, Jelaha, Bratunca, Tuzle, Srebrenice i Sarajeva u periodu od 1. do 5. novembra 2015. godine. Mladi su radili zajedno u Višegradu i Sarajevu kako bi ispitali moguće načine korištenja umjetnosti i kulture za razvoj inkluzivnije i kreativnije budućnosti za mlade.

Novosti iz EU info centra



Izložbom i umjetničkim nastupom u EU Info Centru obilježen Međunarodni dan djeteta

Kako bi obilježili Međunarodni dan djeteta, EU info centar u BiH organizovao je 19. novembra izložbu i umjetnički nastup "Samo jednom sam dijete – i ja želim porodicu". Fotografije prikazuju djecu koja odrastaju u hraniteljskim porodicama i u domovima za djecu bez roditeljskog staranja. Pored toga, na osnovu intervjua napravljenih sa tri udometeljske porodice, glumice Arma Tanović, Maja Salkić i Dženita Imamović ispričale su priču o tri udometeljske majke, njihovim ličnim doživljajima, izazovima i motivima.



Članstvo u Evropskoj uniji ključno za ekonomski razvoj BiH, istakao ambasador Hrvatske Del Vechio

Predstavnici civilnog društva, poslovne i akademske zajednice te drugi lokalni akteri učestvovali su 23. novembra u Tuzli u panel diskusiji u organizaciji EU info centra na temu „Iskustva i interes Hrvatske kao najnovije članice EU“ sa ambasadorom Republike Hrvatske u BiH, Ivanom Del Vechiom. Učesnici u diskusiji iskoristili su ovu priliku kako bi dobili vrijedne uvide o procesu integracije Hrvatske u EU koji bi se mogli primjenjivati i na BiH u procesu pridruživanja EU.



EU info centar izložbom fotografija francuske umjetnice obilježio Međunarodni dan borbe protiv nasilja nad ženama

Povodom Međunarodnog dana borbe protiv nasilja nad ženama EU info centar u BiH je u saradnji sa Ambasadorom Francuske u BiH i Francuskim institutom u BiH, organizovao 24. novembra izložbu ženskih aktova pod nazivom "Être Humaine/Biti čovjek" mlade francuske umjetnice, manekenke i fotografkinje Natalije Kovachevski. Izložba autoportreta francuske umjetnice obara stereotipe i tabue koje izaziva pojava nagosti u društvu, dokazujući na taj način da obnaženost nije preduslov za vulgarnost.

EU VIJESTI



Erasmus +: Poziv na podnošenje prijedloga 2016.

Zahvaljujući programu Erasmus+, studenti i kandidati na doktorskim studijama iz partnerskih zemalja mogu dobiti stipendije koje finansira EU a koje im omogućuju da provedu dio svojih studija u Evropi, ili da prate integrisane master programe.



Šta je novo u Paketu za proširenje 2015?

Evropska komisija je sačinila niz izmjena u ovogodišnjem Paketu za proširenje, u poređenju sa prethodnim godinama. Prvo, za razliku od prethodnih godina kada se novi strateški dokument usvajao svake godine, Komisija je donijela sveobuhvatnu strategiju o politici proširenja za razdoblje svog mandata.

Delegacija Evropske unije u Bosni i Hercegovini, Skenderija 3a, 71000 Sarajevo,
Bosna i Hercegovina

Tel: 00387 33 254 700, Fax: 00387 33 666 037

Websajt: europa.ba, Facebook: [facebook.com/europa.ba](https://www.facebook.com/europa.ba), Twitter: twitter.com/eubih, Youtube: [youtube.com/eubih](https://www.youtube.com/eubih)

Email: delegation-bih@eeas.europa.eu

Za povratne informacije i komentare o Newsletter-u, molimo Vas kontaktirajte Zoru Stanić iz Tima za komunikacije putem e-maila: zora.stanic@eeas.europa.eu

Da biste vidjeli newsletter na Engleskom jeziku, [kliknite ovdje](#).